

**KJKP "RAD"d.o.o. SARAJEVO**

**-VD DIREKTOR-**

**Broj: 05-03-04-\_\_\_\_\_ /20**

**Sarajevo, 14.07.2020. godine**

Na osnovu člana 70. Zakona o javnim nabavkama ("Službeni glasnik BiH", broj 39/14) i člana 47. Statuta KJKP"RAD"d.o.o. Sarajevo, v.d. direktor donosi

## **ODLUKU**

### **I**

Za najpovoljnijeg ponuđača za nabavku ložišta za grijanje termalnog ulja i razvodnih cijevi na Asfaltnoj bazi KJKP"RAD", odabiram ponudu firme „MC AUTOMETAL“d.o.o. Višegrad.

## **OBRAZLOŽENJE**

KJKP„RAD“d.o.o.Sarajevo je dana 17.06.2020.godine Odlukom br. 05-03-04-9852/2020 od 17.06.2020.god. , pokrenulo postupak nabavke ložišta za grijanje termalnog ulja i razvodnih cijevi na Asfaltnoj bazi KJKP"RAD". Nabavka obuhvata: demontažu postojećeg kotla kao i izradu, prijevoz, montažu i puštanje u rad novog kotla u postojeći sistem za grijanje termalnog ulja.

Postupak objavljen na Portalu Agencije za javne nabavke 22.06.2020.godine, a sa krajnjim rokom za dostavu ponuda do 06.07.2020.godine. Kriterij za dodjelu ugovora po ovom postupku je najniža cijena E-aukcija.

Po zahtjevu Ugovornog organa pristigla je jedna (1) ponuda i to ponuda firme „**MC AUTOMETAL“d.o.o.Višegrad (Ponuda br. 0607/20-1)**

Otvaranje ponuda održano uz prisustvo Komisije u zakazanom terminu 06.07.2020.god. u 12:15h, a o čemu je sačinjen i Zapisnik koji je uredno prosljeđen Ponuđaču u zakonom predviđenom roku.

Ponuđač „**MC AUTOMETAL“d.o.o.Višegrad** je uredno preuzeo Tendersku dokumentaciju sa Portala Agencije za javne nabavke dana 24.06.2020.godine. (Dokaz Izvještaj koji čini sastavni dio Zapisnika br.05-03-07-11399/2020 od 13.07.2020.godine).

Ponuđač je ponudio sljedeće:

- Vrijednost ponude bez PDV-a iznosi 10.500,00KM.
- Rok isporuke :30 dana od dana potpisivanja Ugovora.
- Uslovi plaćanja: 30 dana od dana fakturisanja, a što je u skladu sa Zakonom o finansijskom poslovanju FBiH.
- Izjavu kojom potvrđuje da izrada novog kotla kao i puštanje u rad istog podliježe garanciji od 24 mjeseca od momenta preuzimanja i puštnja u rad istog.

Detaljnim pregledom dostavljene ponude br.0607/20-1, Komisija za nabavku je utvrdila da osim nedostataka kao što su propuštanje upisa broja obavještenja o nabavci u izjavama, te popunjavanje forme ugovora, bitnih propusta u izradi ove ponude nije bilo. Imajući u vidu da

se radi o ponovljenom postupku nabavke, da je Ponuđač u izjavama jasno naveo naziv nabavke, kao i da je svojim parafom dao saglasnost na sve strane ugovora, Komisija daje prijedlog Ugovornom organu da ponudu prihvati.

Imajući u vidu da je po ovom postupku zaprimljena jedna (1) prihvatljiva ponuda E - aukcija se ne može zakazati, nego se postupak okončava u skladu sa članom 69. Zakona o javnim nabavkama. (Član 3. stav (3) Pravilnika o uslovima i načinu korištenja E-aukcije)

Smatram da je komisija pravilno postupila kad je uzela u obzir gore navedene kriterije i kada je predložila gore navedenog ponuđača kao najpovoljnijeg.

Iz tog razloga prihvatom prijedlog Komisije i donosim odluku kao u dispozitivu.

#### **PRAVNA POUKA:**

Protiv ove Odluke može se uložiti žalba Ugovornom organu, odnosno KJKP "RAD", u pisanoj formi u roku od 5 dana od dana kada je podnosilac saznao ili je trebao da sazna za navodnu povredu Zakona u toku konkretnog postupka.

**VD DIREKTOR KJKP "RAD" d.o.o. Sarajevo  
Hošić Mirsad, dipl.ing.maš.**

#### **DOSTAVITI:**

- Ponuđačima;
- Komercijalnoj službi
- a/a